

ბიპი ექსპლორეიშენ (კასპიის ზღვა) ლიმიტედი და ბიპი ექსპლორეიშენ (შაჰ დენიზ) ლიმიტედი თავიანთი ბიზნესსაქმიანობის შედეგებს აქვეყნებენ პრესრელიზის სახით. ბიპი ექსპლორეიშენ (კასპიის ზღვა) ლიმიტედი აზერი-ჩირაგ-გუნაშლის საბადოს ოპერატორი, ბაქო-თბილისი-ჯეიჰანის მილსადენის მმართველი და ბაქო-თბილისი-ჯეიჰანის და სამხრეთ კავკასიის მილსადენების საერთო ოპერატორია. ბიპი ექსპლორეიშენ (შაჰ დენიზ) ლიმიტედი შაჰ დენიზის საბადოს ოპერატორია. თითოეული ამ საწარმოთაგანი გვაწვდის მათი პროექტების შესაბამის ინფორმაციას, და აკეთებს განცხადებებს თავიანთი პროექტების შესახებ.



### ინფორმაცია ბიზნესსაქმიანობის შესახებ 2023 წლის პირველი კვარტლის შედეგები

2023 წლის 4 მაისი

#### აზერი-ჩირაგ-გუნაშლი (ACG)

ACG-ის წილობრივი მონაწილეობა: bp (30.37%), SOCAR (25.0%), MOL (9.57%), INPEX (9.31%), Equinor (7.27%), ExxonMobil (6.79%), TPAO (5.73%), ITOCHU (3.65%), ONGC Videsh Limited (OVL) (2.31%).

ბიპი ექსპლორეიშენ (კასპიის ზღვა) ლიმიტედი ACG-ის ოპერატორია, ACG-ის პროდუქციის წილობრივი განაწილების შესახებ ხელშეკრულებაში მონაწილე მხარეების სახელით.

2023 წლის პირველ კვარტალში, ACG-ის საქმიანობის ფარგლებში ჩვენი საოპერაციო დანახარჯი დაახლოებით 115 მილიონ აშშ დოლარი, ხოლო კაპიტალური დანახარჯი კი 372 მილიონი აშშ დოლარი იყო.

წლის პირველი კვარტლის განმავლობაში, Azeri Central East-ის (ACE) პროექტი გეგმის მიხედვით მიმდინარეობდა, ბიპი-ს სხვა პროექტების მსგავსად.

2023 წლის პირველ კვარტალში, ACE-ის პლატფორმის გარსაცმი აზერი-ჩირაგ-გუნაშლის საბადოს ტეროტორიაზე წლის ქვეშ 137 მეტრის სიღრმეზე დამონტაჟდა.

პლატფორმის წყალქვეშა მოწყობილობების სამუშაოების 94% დასრულებულია.

2023 წლის პირველ კვარტალში ACE პროექტის საერთო სამუშაოების 86% დასრულდა.

### **წარმოება**

2023 წლის პირველ კვარტალში ACG-მ გააგრძელა უსაფრთხო და საიმედო წარმოება. მთლიანად ACG-მ წლის პირველი კვარტლის განმავლობაში საშუალოდ დღეში 386,000 ბარელი ნავთობი აწარმოა. (ჯამში 35 მილიონი ბარელი ანუ 5 მილიონი ტონა) შემდეგი პლატფორმებიდან: ჩირაგიდან (24,100 ბ/დ), ცენტრალური აზერიდან (100,000 ბ/დ), დასავლეთ აზერიდან (93,300 ბ/დ), აღმოსავლეთ აზერიდან (64,200 ბ/დ), გუნაშლის ღრმაწყლებიდან (69,400 ბ/დ) და დასავლეთ ჩირაგიდან (35,000 ბ/დ).

კვარტალის ბოლოს, 139 ჭაბურღილი აწარმოებდა ნავთობს, აქედან 42 ჭაბურღილი წყლის და რვა კი გაზის ინიექციისათვის იყო გამოყენებული.

### **ბურღვა და პროექტების დასრულება**

2023 წლის პირველ კვარტალში, ACG-მ 2 ნავთობის მწარმოებელი და ორი წყლის ინიექციის ჭაბურღილი დაასრულა.

### **ასოცირებული გაზი**

პირველი კვარტლის განმავლობაში, ACG-მ აზერბაიჯანის სახელმწიფოს საშუალოდ დღეში 6.5 მილიონი კუბური მეტრი ასოცირებული გაზი მიაწოდა (ჯამში 0.6 მილიარდი კუბური მეტრი). ძირითადად სანგაჩალის ტერმინალზე, ამასთანავე სოკარის ნავთობის ქანების ობიექტზე. წარმოებული ასოცირებული გაზის ნარჩენის რეინიექცია განხორციელდა რეზერვუარში წნევის შესანარჩუნებლად.

### **სანგაჩალის ტერმინალი**

2023 წლის პირველ კვარტალში ACG-ის და Shah Deniz-ის საბადოებიდან მოპოვებული ნავთობი და გაზი ზღვისქვეშა მილსადენებით სანგაჩალის ტერმინალისკენ მიედინებოდა.

ტერმინალს ამჟამად დღეში 1.2 მილიონი ბარელი ნედლი ნავთობის და კონდენსატის გადამუშავება და შაჰ-დენიზის საბადოზე მოპოვებული დაახლოებით 81 მილიონი სტანდარტული კუბური მეტრი გაზის გადამუშავება შეუძლია. თუმცა საერთო ჯამში ტერმინალის გაზის გადამუშავების და ექსპორტის სიმძლავრე, ACG-ს ასოცირებულ გაზთან ერთად დაახლოებით დღეში 100 მილიონი სტანდარტული კუბური მეტრია.

პირველი კვარტლის განმავლობაში სანგაჩალის ტერმინალმა 56 მილიონზე მეტი ბარელი ნავთობის და კონდენსატის ექსპორტი განახორციელა. მათ შორის, 55 მილიონი ბარელი ბაქო-თბილისი-ჯეიჰანის მილსადენის გავლით და დაახლოებით 1 მილიონი ბარელი დასავლეთის მიმართულების საექსპორტო მილსადენის (ბაქო-სუფსის) გავლით.

გაზის ექსპორტი განხორციელდა სამხრეთ კავკასიის მილსადენის, სამხრეთ კავკასიის მილსადენის გაფართოების სისტემის და აზერბაიჯანის გაზის მილსადენების საშუალებით, რომელიც სანგაჩალის ტერმინალის გაზის გადამამუშავებელ მოწყობილობებს აზერბაიჯანის ეროვნულ გამანაწილებელ სისტემასთან აკავშირებს.

2023 წლის პირველი კვარტლის განმავლობაში, სანგაჩალის ტერმინალიდან ექსპორტზე დღეში საშუალოდ 73 მილიონ სტანდარტულ კუბურ მეტრზე მეტი (დაახლოებით 2,583 მილიონი სტანდარტული კუბური მეტრი) შაჰ-დენიზის გაზი გადიოდა.

### **ბაქო-თბილისი-ჯეიჰანი (BTC)**

2023 წლის პირველი კვარტლის განმავლობაში, BTC-ს საქმიანობის ფარგლებში ჩვენი საოპერაციო დანახარჯი 34 მილიონ აშშ დოლარზე მეტი იყო და კაპიტალური დანახარჯი კი 10 მილიონ აშშ დოლარს აღემატებოდა.

2023 წლის 18 იანვარს, BTC-მ მნიშვნელოვან შედეგს მიაღწია ჯამში 4 მილიარდი ბარელი ნავთობი გაატარა.

1768კმ სიგრძის მილსადენმა 2006 წლის ივნისში ფუნქციონირების დაწყებიდან 2023 წლის პირველი კვარტლის ბოლომდე ჯამში 4 მილიარდზე მეტი ბარელი ნედლი ნავთობი გაატარა (539 ტონაზე მეტი). 5314 ტანკერი დაიტვირთა და გაიგზავნა მსოფლიო ბაზრებზე.

2023 წლის პირველი კვარტლის მანძილზე, დაახლოებით 53 მილიონი ბარელი (7 მილიონ ტონაზე მეტი) ბი-თი-სი-ს მიერ ექსპორტირებული ნედლი ნავთობი ჯეიჰანის ტერმინალზე 70 ტანკერში ჩაიტვირთა.

ბი-თი-სი ამჟამად ძირითადად აზერბაიჯანიდან ACG-ის ნედლი ნავთობის და შაჰ-დენიზის კონდენსატის ტრანსპორტირებას ახორციელებს. ბი-თი-სი-ს საშუალებით ასევე გრძელდება კასპიის რეგიონის ნედლი ნავთობის და კონდენსატის (ყაზახეთიდან და თურქმენეთიდან) სხვა მოცულობების ტრანსპორტირება.

### **შაჰ-დენიზი**

Shah Deniz-ის წილობრივი მონაწილეობა: bp (operator – 29.99%), SGC (21.02%), LUKOIL (19.99%), TPAO (19.0%) და NICO (10.0%),

2023 წლის პირველი კვარტლის განმავლობაში, შაჰ-დენიზის საოპერაციო დანახარჯმა 678 მილიონი აშშ დოლარი შეადგინა, ხოლო კაპიტალური დანახარჯი 194 მილიონი აშშ დოლარი იყო, მათ შორის უმეტესი შაჰ-დენიზ 2-ის პროექტთან იყო დაკავშირებული.

### **წარმოება**

პირველი კვარტლის განმავლობაში შაჰ-დენიზის საბადომ განაგრძო გაზის მიწოდება ბაზრებისთვის აზერბაიჯანში (აზერკონტრაქტისთვის), საქართველოში (საქართველოს ნავთობის და გაზის კორპორაციისთვის), თურქეთში (ბოტაშისთვის) და კომპანია ბი-თი-სი-სთვის სხვადასხვა ლოკაციებზე და მყიდველებისთვის ევროპაში.

2023 წლის პირველი სამი თვის განმავლობაში, საბადომ ჯამში 7 მილიარდ სტანდარტულ კუბურ მეტრზე მეტი გაზი აწარმოა და დაახლოებით 1 მილიონი ტონა (დაახლოებით 9 მილიონ ბარელი) კონდენსატი შაჰ-დენიზ ალფა და შაჰ-დენიზ ბრავო პლატფორმებიდან.

შაჰ-დენიზის არსებული მოწყობილობების საწარმოო სიმძლავრე ამჟამად დღეში 74 მილიონ სტანდარტულ კუბურ მეტრ გაზზე მეტია, რაც წელიწადში 27 მილიარდ კუბურ მეტრს აღემატება.

### **პროექტი შაჰ-დენიზ 2**

2023 წლის პირველი კვარტლის განმავლობაში, შაჰ-დენიზ 2-ის პროექტი გეგმის მიხედვით მიმდინარეობდა და დასავლეთ-ჩრდილოეთის ფლანგიდან წარმოების დასაწყებას მეთხე კვარტალში იგეგმება.

### **ბურღვა**

2023 წლის პირველი კვარტლის განმავლობაში, შაჰ-დენიზის ალფა პლატფორმის საბურღი დანადგარი სრული დატვირთვისთვის მზადყოფნის რეჟიმში მუშაობდა.

საბურღი დანადგარების საშუალებით საერთო ჯამში 21 ჭაბურღილის ბურღვა დასრულდა. დასრულებულ ჭაბურღილებში შედის ხუთი ჭაბურღილი ჩრდილოეთის ფლანგზე, ოთხი დასავლეთის, ოთხი აღმოსავლეთ-სამხრეთის, ხუთი დასავლეთ-სამხრეთის და სამი აღმოსავლეთ-ჩრდილოეთის ფლანგებზე.

### **სამხრეთ კავკასიის მილსადენი**

The SCP Co-ს აქციონერები არიან: bp (29.99%), SGC (21.02%), LUKOIL (19.99%), TPAO (19.00%) და NICO (10.0%).

2023 წლის პირველი კვარტლის განმავლობაში, SCP-ს საოპერაციო დანახარჯი ჯამში დაახლოებით 20 მილიონ აშშ დოლარი იყო და კაპიტალური დანახარჯი კი დაახლოებით 2 მილიონი აშშ დოლარი.

SCP 2006 წელს შევიდა ექსპლუატაციაში და შაჰ-დენიზის გაზს აწვდის აზერბაიჯანს, საქართველოს და თურქეთს. მილსადენის გაფართოების პროექტიდან თურქეთისთვის გაზის კომერციული მიწოდება 2018 წლის ივნისში დაიწყო და ევროპისთვის კი 2020 წლის დეკემბერში.

2022 წლის პირველი სამი კვარტლის განმავლობაში, SCP-ის გაზის საშუალო გატარება იყო 61.6 მილიონი კუბური მეტრი დღეში.

### **საძიებო სამუშაოები**

2023 წლის პირველ კვარტალში ჩვენ დავიწყეთ 2 ახალი ჭაბურღილის მოწყობა:

- საძიებო ჭაბურღილი (SDX-8) შაჰ-დენიზის კონტრაქტის მიხედვით მოეწყო. ჭაბურღილი 2023 წლის 20 იანვარს გაიჭრა და საბადოს აღმოსავლეთ ფლანგზე

მდებარეობს. ჭაბურღილის მოწყობა ზღვისქვეშ 7000 მეტრზე იგეგმება და საშუალებას მოგვცემს შევისწავლოთ ღრმად მდებარე ქანებში არსებული პოტენციური მარაგები.

- აზერი-ჩირაგ-გუნაშლის საბადოზე 2023 წლის 7 თებერვალს ახალი ჭაბურღილი გაიჭრა, რაც საშუალებას მოგვცემს შევაფასოთ ღრმაწყლებში არსებული გაზის რეზერვუარები, რომელის ნავთობის მწარმოებელი საბადოს ქვეშ მდებარეობს. მისი საშალებით სამხრეთ ფლანგზე არსებულ მარაგებს და რეზერვუარის წნევას შევისწავლით.

შაფაგ-ასიმანის საზღვაო ბლოკზე დასრულდა ბურღვის სამუშაოები პირველ საექსპლუატაციო ჭაბურღილზე, ფასილას რეზერვუარის საბაზისო დონეზე, 7189 მეტრის სიღრმეზე. არსებული რესურსების შეფასება მიმდინარეობს შემდგომი ნაბიჯების დასაგეგმად.

### ადამიანები

2023 წლის პირველი კვარტლის ბოლოს კომპანიაში 233 ადამიანი იყო დასაქმებული.

ბი-პი საქართველოს თანამშრომლების 99%-ზე მეტი საქართველოს მოქალაქეა.

ბი-პი-ს ძალისხმევა მიმართულია თანამშრომლების სწავლების და განვითარების პროგრამების ოპტიმიზაციისკენ და კომპანია აქტიურ მონაწილეობას მიიღებს საზოგადოებრივი და კერძო სექტორის ინიციატივებში, რათა წვლილი შეიტანოს ადგილობრივი ტალანტის ბაზრის განვითარებაში.

### სოციალური ინვესტიციები

საქართველოში, ისევე როგორც კასპიის რეგიონში, ბი-პი-ს პროექტების წარმატება გარკვეულწილად დამოკიდებულია ოპერატორის შესაძლებლობაზე შექმნას ხელშესახები სარგებელი ამ პროექტებიდან რეგიონის მოსახლეობისთვის. ამის მისაღწევად ბი-პი და მისი პარტნიორები აგრძელებენ მნიშვნელოვანი სოციალური ინვესტიციების პროექტების განხორციელებას, მათ შორის განათლების დარგში, ადგილობრივი მოსახლეობის უნარ-ჩვევების და შესაძლებლობების გაზრდის, და მოსახლეობისთვის სოციალური ინფრასტრუქტურის ხელმისაწვდომობის გაუმჯობესების მიმართულებით, მცირე ბიზნესის წამოწყების და მისი განვითარების ხელშეწყობისთვის, დაფინანსების და ტრენინგების საშუალებით. ასევე კულტურული მემკვიდრეობის და სპორტის ხელშეწყობის და საზოგადოებრივი ინსტიტუტების ტექნიკური მხარდაჭერის საშუალებით.

2023 წლის პირველ კვარტალში ბი-პი-მ და პარტნიორებმა, რომლებიც იმ ერთობლივი საწარმოების აქციონერები არიან, რომელთა ოპერატორიც ბი-პი-ა, საქართველოში გააგრძელეს სოციალურ ინვესტიციის პროგრამების და პროექტების განხორციელება.

საქართველოში განხორციელებული სოციალური ინვესტიციების პროგრამების შესახებ ინფორმაცია განთავსებულია: [www.bpgeorgia.ge](http://www.bpgeorgia.ge)